

大方廣佛華嚴經卷第二十三

三

唐罽賓國三藏般若奉詔譯

入不思議解脫境界普賢行願品

爾時善財童子得此菩薩甚深自在可美妙  
三  
晉解脫正念思惟增長廣大精勤顯示普偏  
修行即時往詣開敷一切樹華安樂主夜神  
所見其身在衆寶香樹枝條樓閣之內坐大  
寶樹妙藏師子之座十夜神前後圍遼善  
財童子頂禮其足於前合掌而作是言聖者  
我已先發阿耨多羅三藐三菩提心而未知

菩薩云何學菩薩行云何修行成就增長得  
一切智唯願慈哀爲我宣說夜神告言善男  
子我於此娑婆世界日光已沒蓮華覆合諸  
人衆等罷遊觀時見其一切若山若水若城  
若野若異國土如是等處種種衆生咸悉發  
心欲還所住迷失道路惶怖不安我皆密護  
令其無畏爲放光明示以正道達其處所令  
免衆苦宿夜安樂若有衆生病苦逼惱於夢  
寐中令其安樂善男子若有衆生盛年好色  
愛著縱逸五欲自恣驕慢醉心我爲示現老

病死相令生恐怖捨離諸惡永斷無明離生死怖復爲稱歎種種善根令其修習爲慳惜者讚歎布施爲破戒者稱揚淨戒有瞋害者令行慈忍若懈怠者今起精進若散亂者令修禪定住惡慧者今學般若樂小乘者令住大乘勤修一切善巧方便樂著三界諸趣中者令住菩薩願波羅蜜若有衆生福智微劣故順如來教故行如來語故學如來行故得如來所護力故修如來所印道故種如來同爲諸結業之所逼迫種種障礙不自在者令住菩薩力波羅蜜若有衆生其心闇昧無有智慧著我我所種種昏蔽令住菩薩智波羅

密善男子我得菩薩出生廣大歡喜光明解脫門善財白言聖者此解脫能知如來種種福聚神言善男子入此解脫能知如來種種福聚普攝衆生善巧方便智慧光明云何普攝善男子一切衆生所受諸樂皆是如來威德力故順如來教故行如來語故學如來行故得如來所護力故修如來所印道故種如來同類善根故讚如來相似善果故守護如來所說戒法故隨喜如來廣大誓願故如來平等智慧日光之所照故如來性淨圓滿業力之

所攝故以如是故一切世間種種安樂出現成就云何知然善男子我入此出生廣大歡喜光明解脫門時正念思惟毗盧遮那如來應正等覺往昔所修善薩行海隨順觀察悉皆明見善男子世尊往昔爲菩薩時見一切衆生著我我所住無明暗室入諸見稠林爲食愛所縛忿怒所壞愚癡所亂慳嫉所纏種種煩惱逼擾身心生死輪迴貧窮困苦不得值遇諸佛菩薩我見是已起大悲心爲欲利益一切衆生所謂起願得一切妙寶資具攝

衆生心願一切衆生皆悉具足資生之物無所乏心於一切衆事離執著心於一切境界無貪染心於一切所有無慳惜心於一切布施無疑惑心於一切果報無希望心於一切榮好無羨慕心於一切因緣無迷惑心起觀察真實法性心起救護一切衆生心起深入一切諸法自性漩渦心起於一切衆生住平等大慈心起於一切衆生行方便大悲心起爲大法蓋普覆衆生令無熱惱心起以大智金剛杵破一切衆生煩惱大障山心起令一

切衆生速疾增長廣大喜樂心起願一切衆生究竟成就極安樂心起隨一切衆生所欲雨一切財寶心起以平等方便成熟一切衆生心起令一切衆生滿足聖財心起願一切衆生究竟皆得十力智果心起如是心已得菩薩力現大神變徧滿虛空最勝法界於一切十方諸衆生前起一切相一切財一切布施無緣大雲普雨一切衆寶瓔珞資生之物隨諸衆生心之所欲悉滿其意皆今歡喜如是無量布施攝門種種財物恒行惠施於一

切時常無休息不悔不惱無間無斷以是方便普攝衆生教化成就具足圓滿皆令得出生死苦難救護饒益不望其報作意平等心無分別淨治一切衆生心寶令其生起於一切佛一相深密同一善根應衆生心作衆資具攝取衆生增一切智速疾圓滿福德大海菩薩如是於念念中盡無餘界調伏成熟一切衆生令其皆得最勝清淨念念嚴淨一切佛刹令無雜穢念念普入一切法界念念皆悉徧虛空界念念普入一切三世念念以方

便智調伏衆生念念恒於一切世界普轉一

切不退法輪念念恒以一切智道善巧利益  
一切衆生念念普於一切世界種種差別諸  
衆生前盡未來劫現一切佛成等正覺念念  
普於一切世界一切諸劫修普薩行不生二

卷三  
想所謂普入一切廣大世界海一切世界種  
中所有一切種種際畔諸世界種種莊嚴諸  
世界種種體性諸世界種種形狀諸世界種  
種分布諸世界或有世界穢而兼淨或有世  
界淨而兼穢或有世界一向雜穢或有世界

一向清淨或有廣大或有狹小或高或下或  
巍或妙或正或側或覆或仰或圓或方或非  
圓方如是一切種種名字形像莊嚴諸世界  
中念念修行諸菩薩行入菩薩住現菩薩力  
亦現三世一切佛身隨衆生心普使知見速  
疾增長一切智福德海門善男子毗盧遮那  
如來於過去世如是修行菩薩行時見諸衆  
生不修福德無有智慧遠離慚愧著我我所  
無明業障出生種種不正思惟入諸邪網惡  
見稠林不識因果順煩惱業迷惑其心不得

自在墮於生死險深坑具受種種無量諸苦起大悲心修習一切波羅密行爲諸衆生稱揚讚歎堅固善根令其安住遠離生死貧窮困苦勤修福智助道之法爲說種種諸因果門爲諸業報不相違反爲說於法證入之處爲說一切衆生欲解及說一切受生國土令其不斷一切佛種令其守護一切佛教令其捨離一切諸惡又爲稱歎趣一切智助道之法令諸衆生心生歡喜今行法施普攝一切令其發起一切智行令其修學諸大菩薩

波羅密道令其增長成一切智諦善根海令其滿足一切聖財令其得入佛自在門令其攝取無量方便令其觀察如來威德令其親近隨順如來寂靜安樂令其安住成就菩薩種種智慧爾時善財童子白言聖者發阿耨多羅三藐三菩提心修此妙行其已久如夜神告言善男子如汝所問此事難知難信難解難證難入難可顯示難可生起難可演說一切世間諸天及人聲聞獨覺皆不能知唯除如來威力所加善知識所攝修習廣大福

德智慧其心堅固欲樂清淨無下劣心無雜染心無詭曲心無散亂心無鄙惱心無極暗心得普照耀開敷一切智光明心發普利樂成就一切諸衆生心一切煩惱及以衆魔無能壞心起必趣向一切種智無障礙心不樂世間一切生死染汙樂心能樂觀察一切如來清淨妙樂能勤除滅一切衆生憂悲苦海能修一切諸佛如來功德法海能觀一切諸法實性虛空境界能具一切廣大甚深清淨信解能超一切生死暴流能入一切如來智

海能決定到無上法城能勇猛入如來境界能速疾趣諸佛智地能即成就一切智力能於十力已得究竟如是之人乃能於此能知能入能信能解能持能了隨順修行何以故此是如來智慧境界一切菩薩尚不能知況餘眾生然我今當承佛威力欲令調順可化衆生意速清淨欲令修習善根衆生心得自在隨汝所問爲汝宣說爾時開敷一切樹華安樂主夜神欲重明此義觀察三世如來境界而說偈言

佛子汝今之所問 諸佛無邊深境界  
難思刹海微塵劫 具足演說無能盡  
非諸弊惡貪恚癡 橋慢無明惑所覆  
垢心纏縛衆生等 能知諸佛寂靜法  
非諸詭詐濁亂心 常隨憚嫉情無捨  
煩惱業繩之所繫 而能了知佛境界  
非是執著蘊界處 心恒不捨於身見  
心倒想倒見倒人 能入如來寂滅地  
寂靜甚深諸佛境 本性真常離分別  
非著諸有生死人 入此平等無依法

生於諸佛種姓家 一切如來恒守護  
能持法王教藏者 此仙智眼之境界  
親近真實善知識 愛樂白法無厭足  
專求佛力受法雲 彼聞此法生歡喜  
心恒清淨無分別 不著一切如虛空  
智燈自在破無明 卷三此無垢者之境界  
以大慈悲覆世間 徒入三世衆生海  
隨宜利樂無邊際 此深行者之境界  
心常歡喜無諸著 一切所有皆能捨  
樂說平等施衆生 此無著者之境界

心無垢濁離諸過 究竟調伏無憂悔  
隨順佛教能具修 此無垢者之境界  
心無動亂無分別 能普覺知諸法性  
遠離一切諸惑業 此解脫者之境界  
心無疲厭常無退 勇猛勤修一切智  
安住增上淨戒中 此大丈夫之境界  
其心深入諸三昧 究竟清涼無熱惱  
已修一切智海因 此寂靜者之解脫  
了知諸法差別相 善入無邊深法界  
普度羣生靡有餘 此慧燈者之解脫

了達衆生真實性 於諸有海無所著  
如影普現心水中 此先導者之解脫  
從於三世諸佛海 方便願種而出生  
盡諸劫剎勤修行 此普賢者之解脫  
普入一切法界門 悉見十方諸刹海  
亦見其中劫成壞 此無二者之境界  
十方刹海極微中 悉見佛坐菩提樹  
成等正覺化羣生 此無礙眼之境界  
汝從無量大劫海 親近承事善知識  
爲利羣生求正法 聞已憶念無遺忘

毗盧遮那廣大境 無量無邊難思議  
我承佛力爲汝說 今汝深心轉清淨

善男子乃往古世過世界海極微塵數劫有  
第三 世界海名毗盧遮那海真金摩尼山彼世界  
海中有佛出現名普照法界智慧山寂靜威

德王善男子其佛往修菩薩行時能普清淨  
彼世界海其世界海中有佛刹極微塵數世  
界種一世界種有佛刹極微塵數世界一  
世界有世界極微塵數劫一一劫中無量  
如來出興於世一如來說世界海極微塵

數修多羅一一修多羅授佛刹極微塵數諸  
菩薩記現種種佛神通力說種種調伏衆生  
法轉種種諸乘輪度無量衆生海善男子彼  
毗盧遮那海真金摩尼山世界海中有世界  
種名普門現前莊嚴幢此世界種中有世界  
名一切寶色吉祥普照光明以現一切化佛  
影像摩尼王爲體形如天城以現一切如來  
菩提道場摩尼寶王而爲莊嚴住於一切寶  
拘蘇摩華海上淨穢相雜此世界中有須彌  
山極微塵數四天下有一四天下最處其中

名一切寶山幢其四天下一一縱廣無量百  
千由旬一一各有一萬大城其間浮提中有  
一王都名妙寶娑婆羅莊嚴雲燈以十千大城  
而爲眷屬周市圍遶間浮提人壽萬歲時中  
卷三  
有輪王名一切法圓滿蓋大吼聲其王具有  
五百輔臣六萬姝女七百王子其諸王子色  
相端嚴勇健雄猛有大威力爾時彼王威德  
普被闡浮提內無有怨敵時彼世界劫欲盡  
時有五濁起一切人衆壽命短促資財乏少  
形色鄙陋行住坐卧多苦少樂不修十善專

作惡業更相忿諍互相傾奪欺詐僞綺飾  
言辭離間於他發麤惡語妬他榮好非法貪  
求深入邪網稠林曠野以是因緣風雨不時  
苗稼不登藥木華卉園林草樹一切枯槁衣  
食匱乏多諸疫病馳走四方靡所依怙咸來  
共遶王都大城無量無邊百千萬億四面周  
市高聲大叫或舉兩手或復合掌或以頭叩  
地或舉手椎胷或屈膝長號或涌身大叫頭  
髮蓬亂衣裳弊惡皮膚皴裂面目無光彼諸  
衆生以種種形貌出種種音聲作種種言辭

爲種種談說而白王言大王我等今者貧窮孤露飢渴寒凍疾病衰羸衆苦所逼種種困厄迫切身心命將不久無依無救無所控告如在牢獄死相現前我等今者來歸大王我觀大王仁慈智慧於大王所生得安樂想得憐愍想得愛敬想得身命想得攝受想得寶藏想遇津梁想逢道路想值船筏想見寶洲想獲財利想升天宮想離怨家想滅衆苦想爾時大王聞此語已獲得百萬阿僧祇大悲門一心思惟作意觀察發於十種大悲之語

云何爲十所謂哀哉衆生墮落無底生死深坑我當云何而遠免濟令其得出安住如來一切智地哀哉衆生爲諸煩惱逼迫身心我當云何而作救護安住種種善業道中哀哉衆生恒爲種種生老病死之所恐怖我當云何爲作歸依令離縛著永得一切身心安隱哀哉衆生常爲世間種種恐怖逼害其身我當云何而爲救護令其得免一切厄難安住如來一切智道哀哉衆生無有智眼常爲身見疑惑所覆我當云何爲作方便令其得決

疑見眉膜哀哉衆生常爲癡暗之所迷惑遠離善法我當云何爲作慧炬照彼無明令其顯現一切智城究竟解脫哀哉衆生常爲種種慳嫉諂誑濁亂其心我當云何而爲開曉令其證得清淨法身哀哉衆生長時漂溺一切世界生死大海我當云何爲作船筏而普運度令其得入一切智海哀哉衆生諸根剛強遠離調御無上大師一切世間無能調者我當云何而爲調御令其成熟一切善根具足如來大威神力哀哉衆生猶如盲瞽不見

正道隨逐邪徑我當云何開其慧眼而爲引導令其得入一切智門時彼大王興此十種大悲之心作是語已即於王都大衆之中擊鼓宣令咸使聞知我今普施一切衆生隨有所須悉令充足即時頒下闇浮提內大小諸

卷三

城及諸聚落悉開庫藏出種種物置四衢道所謂金銀琉璃摩尼等寶衣服飲食華香鬘蓋塗香末香種種瓔珞宮殿屋宅牀榻敷具一切資財無不備足建大光明摩尼寶幢其光觸身悉使安隱滅除黑暗開發照明隨心

所欲皆悉圓滿又復隨化種種身形一切承事供養恭敬一切衆生亦施一切病緣湯藥活命資具種種寶器盛衆雜寶所謂金剛器中盛種種香寶香器中盛種種衣摩尼妙寶莊校嚴飾輦輿車乘衆寶瓔珞寶帳寶網周圍垂覆建立種種高勝妙幢如是一切資生

妙寶娑羅莊嚴雲燈王城東門名摩尼山威德於其門外有施會處其地廣博清淨平坦無諸坑坎荆棘沙礫一切皆以妙寶所成散衆寶華燒諸妙香無數摩尼王寶莊校嚴飾然諸寶燈周徧照耀寶焰吉祥威德香雲充滿虛空無量寶樹次第行列微妙分布間錯莊嚴種種天人宮殿樓閣種種莊嚴種種幢旛種種繒蓋常出光明寶拘蘇摩網一切香王寶網彌覆其上寶鐸徐搖出妙音聲無量百千億那由他諸音樂器恒出妙音如是一

一切皆以妙寶而爲莊嚴悉是菩薩淨業果報之所成就於彼會中置師子座十種妙寶以爲其地十寶欄楯放光明十種寶樹枝葉扶疎周匝圍遶靡不嚴好微妙堅固金剛寶輪以承其下以一切寶爲龍神像而共捧持

第十三

十二

種種寶物以爲嚴飾於交露間標題德相以種種色間錯莊嚴一切寶幢一切寶旛周徧行列衆寶鈴網摩尼寶網衆寶華網大摩尼王網以覆其上無量寶香常出香雲種種寶衣處處分布百千種樂出過諸天恒奏美音

悅可人意復於其上張施寶蓋常放無量寶焰光明如闇浮金熾然清淨垂諸華綬無數摩尼寶王爲帶周迴間列種種雜色摩尼寶鈴恒出妙音勸諸衆生修行十善時一切法圓滿寶蓋大師子吼妙音聲王處師子座具足妙色形容端正人相圓滿最勝清淨世無能比毗盧遮那摩尼寶王以爲其冠那羅延身不可沮壞一一分悉皆圓滿性普賢善王種中生於財及法皆得自在辯才無礙智慧明達以正治國無違命者一切衆生咸讚

彼王無量無邊殊勝功德光明熾盛過天帝釋見者無狀常於空中現大輪蓋摩尼寶藏其數百千以爲輪輻無數寶焰吉祥威德光明莊嚴閣浮檀金放清淨光以覆其上種種寶色金網莊嚴真珠瓔珞周帀垂下又以寶繩懸衆寶鈴衆寶莊校恒吐妙音過諸天樂覺悟世間宣揚善行復有妙扇寶縷織成扇以香風發揚威德爾時於此閣浮提內無量無數百千萬億那由他衆生種種國土種種族類種種眷屬種種形貌種種衣服種種言

辭種種心行種種欲樂各各希求種種財寶種種資生種種受用俱來此會觀察彼王以種種言語種種訓釋種種辯才種種名句咸歎此王是大智人是福須彌是勝功德圓滿白月是得自在無礙丈夫住菩薩願行廣大施時王見彼諸來集會於己乞求生愛敬心生悲愍心生歡喜心生尊重心生廣大心生善友心生相續心生精進心生不退心生捨施心生周徧心生平等心生清淨心生成就心生速疾心生見種種善知識心善男子爾

卷三

十三

時彼王見諸乞者心大歡喜經須臾頃假使轉輪聖王盡無邊劫所受快樂所不能及如是忉利天王夜摩天王兜率陀天王盡百千億那由他劫所受快樂亦不能及善化天王於無數劫所受快樂自在天王於無量劫所受快樂大梵天王於無邊劫所受梵樂光音天王於難思劫所受天樂徧淨天王於無盡劫所受天樂淨居天王不可說劫住寂靜樂悉不能及譬如有人仁慈孝友遭逢世難父母兄弟姊妹妻息内外宗親普皆散失忽於

曠野道路之間而相值遇瞻奉撫對情無厭足時彼大王見來乞者心生愛敬歡喜踊躍慶幸之心亦復如是善男子其王爾時因善知識於佛菩提解欲增長諸根成就信心清淨歡喜圓滿不可思議何以故此大菩薩勤修諸行求一切智願得利益一切衆生心無懈倦願得充足一切衆生衣服飲食願獲菩提無量妙樂捨離一切諸不善心常願積集一切善根常願救護一切衆生常樂觀察薩婆若道常樂修行一切智法滿足一切衆生

所願入一切佛功德大海破一切魔業惑障  
山隨順受持一切佛教行一切智無障礙道  
已能深入一切智流一切法流常現在前大  
願無盡爲大丈夫住大人法積集一切普門  
善藏願捨一切執著之心不染一切世間境  
界知諸法性猶如虛空於彼一切諸來乞者  
生一子想生父母想生福田想生善友想生  
難得想生恩益想生覆護想生堅固想生導  
師想生如來想不擇方處不擇族類不選形  
貌隨有來至如其所欲隨其方處隨其國邑

如彼所求如彼愛樂以大慈心平等無礙以  
大捨光照明一切應衆生心今無所乏求飲  
食者施與飲食求衣服者施與衣服求香華  
者施與香華求髮蓋者施與髮蓋如是有求  
幢旛瓔珞宮殿園苑象馬車乘牀座被褥金  
卷三十五  
銀摩尼真珠瑠璃璧玉珂貝諸珍寶物一切  
庫藏及諸眷屬姝女妃嬪城邑聚落園林屋  
宅皆悉如是普施衆生

大方廣佛華嚴經卷第二十三

音釋

旋渦	漩渦	宣切	渦房六	枯槁	苦老切
薄紅	薄紅	切	渦水洞流也	枯槁	亦枯也
亂也	亂也	切	皴	皴七倫切	皮細起也
樂音	樂音	切	裂	皴力薛切	裂破也
歷小	歷小	切	也	也醫	盍計
石也	石也	切	珂貝	珂丘何切	螺屬貝之
也	也	切	貝	貝博蓋切	
疾	疾	切	目		
樂	樂	切			
音	音	切			
歷	歷	切			
小	小	切			
珂	珂	切			
貝	貝	切			

永樂北藏

華嚴經普賢菩薩行願品

第三一冊